

Knallköpp - die Wahl

Zwanzig Hööt in nem vill zo kleene Zimmer,
paar Flasche Schnapps, jo, su wor et immer.
Denn die Knallköpp, die wählen hück dä Prinz
Un se fingen eene oder alles ömesöns

All Kandidate sinn mucho motiviert
Ne Hoot, en Fleech,
Kranz voll Bier un aff dofür.
Do kütt datt nächste Ründche aan
Ich ben mem Bezahle dran

He Mann, datt is dä Plan!

Ich kenn kene der ene kennt der sät da jeht noch jet
Ich kenn kene der ene kennt dä is noch waach
Ich kenn kene der ene kennt der sät da jeht noh jet
Ich kenn kene der ene kennt der is noch wach

Mer hann noch nix

Zwanzig Hööt in nem vill zo kleene Zimmer
dä Schnapps dä wirk, jo, su wor et immer
Von drusse fangen se langsam an zu nittsche
Se hann Schless un wollen an die Schnittche

Un mir hann wirklich, wirklich, wirklich hin un her överlaat
Irgendwie, irgendwo, irgendwann
do fängen sich 3 Mann

Hee Mann, mir hann ne Plan

Ich kenn ene der ene kennt der will die Jungfrau sinn
Ich kenn ene der ene kennt datt is dä Buur
Ich kenn ene der ene kennt der sät da jeht noh jet
Ich kenn ene der ene kennt datt is dä Prinz

Mir hann ne Prinz

Mir hann ene Buur
Ne deftige Buur
Mir hann och en Jungfrau
En liebliche Jungfrau

Jetzt hammer jet

Ich kenn ene der ene kennt der will die Jungfrau sinn
Ich kenn ene der ene kennt datt is dä Buur
Ich kenn ene der ene kennt der sät da jeht noh jet
Ich kenn ene der ene kennt datt is dä Prinz

Ich kenn ene der ene kennt der will die Jungfrau sinn
Ich kenn ene der ene kennt datt is dä Buur
Ich kenn ene der ene kennt der sät da jeht noh jet
Ich kenn ene der ene kennt datt is dä Prinz